

diuerfos fumos, aut humores corruptos. Vnde tales sunt communiter infirmi, aut prope infirmari, aut sunt pueri, vel mulieres, aut eis similes. Fortis ergo imaginatio de specie intus seruata, cum modica apparētia exteriori, aut intemperantia alicuius circumstātię, facit mirabilia apparere in sanis, & in infirmis: ita vt fortiter pavidus, de nocte ambulans de lupo putabit esse inimicum vel diabolum, pro quāto eos timet, & imaginationem suam habet ad eos: homo autem deuotus facilē angelum suspicabitur, & ita iudicabit.

De errore auditus. Cap. II.

CIrca auditum contingunt plures errores, ratione virtutis interioris malē iudicantis, ratione indispositionis organi, ratione mediij, & ex parte coagentium & concurrentiū, quæ sunt multa: inter quæ sunt ferē singula octo superius numerata, præter obiectum auditus & speciē eius quæ est quo fit auditio. Nota quoniam sicut color est obiectum visus, & à visu percipitur, lumine mediante: sic sonus est obiectum auditus, & ab eo percipitur, mediante motu. itaq; sonus cum motu auditur, & nō sine motu percipitur: adeò vt sint qui asserant sonum esse motum sic factum, & sic ab auditu perceptū, & non aliud: sed hoc sustinere est difficile, ait Oresme. Ego